



KEMENTERIAN PENDIDIKAN MALAYSIA

Ministry of Education Malaysia

Jabatan Pendidikan Negeri Johor

Johor State Education Department

Jalan Tun Abdul Razak

80604, Johor Bahru

Johor Darul Ta'zim

Telefon : 07-231 0000
Pengarah : 07-231 0198
Timbalan : 07-231 0191
Faks : 07-234 7132
Portal : www.jpjohor.moe.gov.my
E-mel : jpn.johor@moe.gov.my

Ruj. Tuan: JW25122022/00001

Ruj. Kami: JPNJ.600-11/2/1JLD2 ()

Tarikh: **13** Februari 2023

Pengerusi,

Akademi J&W Sdn Bhd.,

1ST Floor, 51-53A, Jalan SS25/2,

Taman Bukit Emas,

47301 Petaling Jaya,

Selangor Darul Ehsan.

u.p. : Dr. Tan Guan Heng

Tuan,

MAKLUM BALAS PERMOHONAN KEBENARAN MENGANJURKAN PROGRAM PENAJAAN PENDIDIKAN (PPP)- KURSUS KAUNSELING UNIVERSITI DAN PEKERJAAN- DI SEKOLAH-SEKOLAH MENENGAH NEGERI JOHOR

Dengan segala hormatnya surat tuan berhubung perkara di atas adalah dirujuk dan berkaitan.

2. Sukacita dimaklumkan bahawa Jabatan Pendidikan Negeri Johor (JPNJ) amat berbesar hati dan sentiasa mengalu-alukan usaha pihak agensi luar dalam menyokong pembangunan pendidikan murid-murid negara ini. Usaha ini adalah sejajar dengan Hasrat **Anjakan ke-9 Pelan Pembangunan Pendidikan Malaysia 2013-2025**: bekerjasama dengan ibu bapa, komuniti dan sektor swasta secara meluas.

3. Oleh itu dimaklumkan JPNJ **tiada halangan** bagi memberi kelulusan kepada permohonan tuan untuk melaksanakan program-program yang telah dirancang tersebut. Kelulusan ini terhad untuk urusan dengan pentadbir sekolah. Walau bagaimanapun, **pihak tuan perlu mengadakan perbincangan dengan Pegawai Pendidikan Daerah yang terlibat untuk mendapatkan pandangan dan kaedah yang terbaik bagi melaksanakan program tersebut memandangkan sekolah, guru dan murid terlibat adalah di bawah pentadbiran daerah** berkenaan disamping mematuhi syarat-syarat berikut:

- 3.1 Penglibatan guru dan murid mesti mendapat kebenaran Pejabat Pendidikan Daerah (PPD) dan Pengetua/ Guru Besar sekolah-sekolah terlibat;
- 3.2 Sekolah, guru dan murid tidak boleh dipaksa untuk menyertai program tersebut;
- 3.3 Pihak penganjur adalah bertanggungjawab sepenuhnya terhadap keselamatan guru dan murid yang terlibat dengan program tersebut;


- 3.4 Penyertaan guru dan murid hendaklah secara sukarela dan mendapat kebenaran ibu bapa/ penjaga;
- 3.5 Surat Kebenaran/kelulusan ini tidak boleh digunapakai bagi maksud untuk mendapatkan sumbangan serta tajaan daripada mana-mana pihak berkenaan;
- 3.6 Penyertaan guru dan murid tidak mengganggu atau menjejaskan waktu pengajaran dan pembelajaran (PdP);
- 3.7 Sekiranya laporan program diterbitkan atau disiarkan dalam mana-mana platform media, bahan tersebut perlu mendapat persetujuan terlebih dahulu daripada pihak Jabatan;
- 3.8 **Tiada implikasi kewangan kepada JPNJ, PPD, sekolah, pegawai/guru dan murid yang terlibat;**
- 3.9 Surat kebenaran/kelulusan ini bukan sebagai pengesahan program dianjurkan secara kerjasama bersama JPNJ.
- 3.10 **Pihak tuan perlu mematuhi segala segala Garis Panduan Pengurusan dan Pengoperasian Sekolah yang ditetapkan oleh KPM, sepanjang program dijalankan, dan**
- 3.11 Pihak tuan dimohon memastikan agar penerapan amalan nilai murni dapat dijadikan sebagai salah satu perkara wajib dilaksanakan sebelum/semasa/selepas program berlangsung bagi mendokong elemen tadbir urus insan (Human Governance) dalam kalangan guru dan murid sekolah di bawah KPM
- 3.12 JPNJ berhak menarik balik surat kelulusan/ kebenaran sekiranya pihak penganjur gagal mematuhi syarat dan peraturan yang ditetapkan atau bercanggah dengan dasar sedia ada yang sedang berkuatkuasa.

4. Kebenaran ini hanya untuk **Akademi J&W Sdn Bhd.** yang akan menjalankan **program seperti di atas bermula 17 Februari 2023 hingga 15 Disember 2023.** Sebarang pertanyaan berhubung perkara ini boleh diajukan kepada Dr. Norashuha Binti Tajuddin di talian 07-2311486. Segala perhatian pihak tuan berhubung perkara ini amat dihargai dan didahului dengan ucapan terima kasih.

Sekian.

“BERKHIDMAT UNTUK NEGARA”

Saya yang menjalankan amanah,



(HAJI ANUAR BIN SUKIRAN)
Timbalan Pengarah
Sektor Pengurusan Sekolah
b.p Pengarah
Jabatan Pendidikan Negeri Johor

s.k. Pegawai Pendidikan Daerah Negeri Johor